

**Ang Himaya ug Paghimaya
ingon sa Gipadayag sa Ebanghelyo ni Juan**

Basahong Kasulatan: Juan 1:14; 2:11; 5:44; 8:54;
12:23; 13:31-32; 17:1, 5, 22

- I. Kaayo sa Dios ang himaya; pagpadayag sa Dios ang himaya, ang Dios nga napa-dayag diha sa kasanag—Exo. 40:34; Buh. 7:55; 2 Ped. 1:3; Bug. 21:11.**
- II. Tiunay gyong may kalabotan sa pamatigayon sa Dios ang himaya sa Dios—Efe. 1:6, 10, 12, 14; 3:21; 5:27:**
 - A. Dios sa himaya ang Tulo-usang Dios—Buh. 7:2; Efe. 1:17; 3:14, 16; 1 Cor. 2:8; 2 Cor. 4:6; 1 Ped. 4:14.
 - B. Ang walay kataposang tumong sa Dios pagdala man sa daghang anak Niya ngadto sa himaya—Heb. 2:10; 1 Cor. 2:7; Efe. 1:5-6, 12, 14.
 - C. Gilalang sa Dios ang tawo sa Iyang dagway aron magpadayag kini Kaniya diha sa Iyang himaya—Gen. 1:26; Col. 1:15; 2 Cor. 4:4, 6.
 - D. Ang makasala makabsan man sa himaya sa Dios ug tungod niana magpadayag sa sala ug sa masal-anong kaugalingon ug mahigugma sa himaya sa mga tawo labaw sa himaya sa Dios—Rom. 3:23; Juan 5:44; 7:18a; 12:43.
 - E. Natuman na sa katubsanan ni Cristo ang mga gipangayo sa himaya sa Dios—Rom. 3:24-25; Heb. 9:5; itandi sa Gen. 3:24.
 - F. Pinaagi sa ebanghelyo sa himaya ni Cristo, gitawag ta sa Dios pinaagi sa ug ngadto sa walay kataposang himaya Niya—2 Cor. 4:4; 1 Tim. 1:11; 1 Tes. 2:12; 1 Ped. 5:10.
 - G. Nagpuyo sa sulod nato ang malangkobon-sa-tanan nga Cristo isip paglaom sa himaya—Col. 1:27; 3:4, 11.
 - H. Sa nagsud-ong ug nagpasumbalik ta sa himaya sa Ginoo, kamulo tang gitransporma ngadto sa Iyang dagway gikan sa himaya ngadto sa himaya—2 Cor. 3:18.
 - I. Ang tumong sa organicong kaluwasan sa Dios, ug ang kataposang hugna ning kaluwasana mao ang himaya—ang pagkahimaya nato—Heb. 2:10; Rom. 8:17, 21, 30.
 - J. Ang pagtukod sa Dios mao ang Tulo-usang Dios nga naumol sa sulod nato aron mahimo tang mahimayaon nga hiniusang pagpadayag Niya—Efe. 2:21-22; 3:17a, 19b, 21; 4:16; 5:27; itandi sa Exo. 40:34; 1 Hari 8:10-11; Ezeq. 43:4-5; Hag. 2:7, 9.
 - K. Kay dili man mabulag ang gingharian sa Dios ug ang himaya sa Dios, mapadayag ang himaya sa Dios sa moabot nga gingharian—Mat. 6:13; 16:27; 26:29; 1 Tes. 2:12; Bug. 5:13.
 - L. Ang maila kaayong kinaiya sa Bag-ong Jerusalem mao nga duna kiniy himaya sa Dios, ang pagpadayag Niya; ang tibuok syudad, nga hiniusang persona sa Bag-ong Jerusalem dunay himaya sa Dios, nga mao ang Dios mismo nga nagsidlak pinaagi sa tibuok syudad, nga asawa Niya—19:7-9; 21:2, 10-11.
 - M. Ang himaya sa Dios diha sa pamatigayon Niya naglambigit sa habog nga punto sa dios-nong pinadayag—nahimong tawo ang Dios aron mahimong Dios ang tawo sa kinabuhi, kinaiya ug pagpadayag apan dili sa ranggo sa pagka-Dios—Juan 1:14; Col. 3:4; Heb. 2:10; Bug. 21:10-11.
 - N. Ang tumong sa pamatigayon sa Dios kana mang magsidlak tang tanan sa Iyang himaya—vv. 2, 23-24.
- III. Nalambigit sa pagpakatawo, pagkinabuhi isip tawo, pagkalansang sa krus, pagkabanhaw, pagkayab, ug pag-anhi pag-usab ni Cristo ug sa pagka-suga Niya sa Bag-ong Jerusalem ang himaya sa Dios:**

- A. Sa kinabuhi ug buhat ni Ginoong Jesus wala Siya magtinguha sa kaugalingon Niyang himaya kondili sa himaya Niya nga nagpadala Niya—Juan 7:18; 8:50, 54.
- B. Gihimaya si Cristo sa Iyang pagkabhaw—Luc. 24:26; Juan 7:39; 17:5; Buh. 3:13; 1 Ped. 1:21.
- C. Gihimaya si Cristo sa Iyang pagkayab; sumbanan si Ginoong Jesus sa tawong “nitabok sa suba” ug nisulod sa himaya sa Dios, diin gipurongpurongan Siya sa himaya ug dungog—Heb. 2:9-10; 6:19-20; 9:24.
- D. Moabot ang Ginoo nga Anak sa Tawo diha sa himaya sa Amahan—Mat. 16:27; Luc. 21:27.
- E. Sa Bag-ong Jerusalem sa eternidad, mohayag si Cristo, ang Cordero nga suga pinaagi sa Dios nga kahayag aron dan-agan ang Bag-ong Jerusalem sa himaya sa Dios, kansang himaya mao ang pagpadayag sa diosnong kahayag—Bug. 21:11, 23; 22:5.

IV. Sa Ebanghelyo ni Juan makita nato ang himaya ug paghimaya ni Ginoong Jesus:

- A. “Nakita namo ang Iyang himaya, himaya nga ingon sa bugtong Anak gikan sa Amahan” (1:14); nagpasabot kini sa pagkausab sa dagway ni Cristo didto sa bukid (Mat. 17:1-2, 5).
- B. “Si Jesus...nagpadayag sa Iyang himaya”; napadayag ang pagkadios sa Ginoo—Juan 2:11.
- C. “Wala modawat [si Ginoong Jesus] og himaya gikan sa mga tawo,” ug nangutana, “Unsaon man ninyo pagtuo nga nagdawatay man mog himaya sa usag usa ug wala magtinguha sa himaya nga gikan sa bugtong nga Dios?”—5:41, 44.
- D. “Nagtinguha sa kaugalingon niyang himaya ang namulong sa iyang kaugalingon; apan Siya nga nagtinguha sa himaya sa nagpadala Niya, tinuod kini Siya”—7:18:
 - 1. “Wala Ko magtinguha sa Akong himaya; dunay Usa nga nagtinguha sa himaya alang Nako ug naghukom”—8:50.
 - 2. “Kon gihimaya Nako ang Akong Kaugalingon, walay bili ang Akong himaya; ang Akong Amahan maoy naghimaya Nako”—v. 54.
 - 3. “Gihigugma nila ang himaya sa mga tawo labaw sa himaya sa Dios”—12:43.
- E. Niingon si Jesus, “Niabot na ang takna nga himayaon ang Anak sa Tawo” (v. 23); ang himayaon si Jesus nga Anak sa Tawo kana mang mabanhaw Siya.
- F. Niingon si Jesus sa capitulo 17, “Amahan...himayaa ang Imong Anak aron maghimaya Nimo ang Anak” (v. 1); “Karon, himayaa Ko uban Nimo, Amahan, sa himaya nga naa Nako uban Nimo sa wala pa ang kalibotan” (v. 5):
 - 1. Kini ang hisgotanan sa pag-ampo sa Ginoo sa Juan 17.
 - 2. Sa wala pa kining pag-ampo gipanagna ni Ginoong Jesus nga himayaon Siya ug nga mahimaya ang Amahan diha Niya—12:23; 13:31-32.
 - 3. Mabanhaw si Cristo aron mapausbaw Niya ang Iyang pagka-tawo ngadto sa diosnong elemento ug mapadayag ang Iyang diosnong elemento, nga moresulta nga mahimaya ang tibuok Niyang pagkatawo, Iyang pagkadios ug pagka-tawo; tungod niana, mahimaya ang Amahan diha sa Anak.
- G. Nag-ampo si Ginoong Jesus nga makasulod ta sa kinahabogang hugna sa pagkausa—ang pagkausa diha sa diosnong himaya aron hiniusang mapadayag ang Tulo-usang Dios: “Gihatag Nako nila ang himayang gihatag Nimo Nako, aron mausa sila, maingon nga usa Ta”—17:22:
 - 1. Kini ang kinalawmang pagkausa sa mga magtutuo, ang pagkausa diha sa diosnong himaya aron hiniusang mapadayag ang Dios.
 - 2. Ning aspetoha sa pagkausa ang mga magtutuo, nga bug-os nang nagdumili sa ilang kaugalingon, nagpahimulos sa himaya sa Amahan nga maoy hinungdan sa nahingpit nga pagkausa nila ug tungod niana hiniusa ug tinukod nga nagpadayag sa Dios.

V. Isip pagkalawas sa Tulo-usang Dios, si Cristo nga Anak maoy paghimaya sa Amahan—vv. 1, 5, 22-23:

- A. Nagpasabot og pagpadayag ang paghimaya; ang mahimaya kana mang madayag.

- B. Ang ulohanong punto sa mensahe sa Ginoo sa Juan 14 ngadto sa 16 mao nga mahimaya unta ang Anak aron mahimaya ang Amahan diha sa Anak:
1. Sa mensahe sa Ginoo naghisingot Siya sa paghimaya, ug sa pag-ampo Niya nag-ampo Siya aron mahimaya—13:31-32; 14:13; 15:8; 17:1, 5.
 2. Gihimaya si Cristo sa Amahan sa diosnong himaya diha sa Iyang pagkabanhaw—7:39:
 - a. Nagpasabot sa *gibanhaw* ang *gihimaya*, kay gihimaya man ang Ginoo sa dihang gibanhaw Siya; nagdala Niya ngadto sa himaya ang Iyang pagkabanhaw—Luc. 24:26; 1 Cor. 15:43; Buh. 3:13, 15.
 - b. Segun sa hunahuna sa Bag-ong Tugon, pagpagula sa kinabuhi ang pagkabanhaw, ug may kalabotan sa paghimaya kining pagpagula sa kinabuhi; busa sama rag kahulogan sa *pagkabanhaw* ang *paghimaya*.
- C. Karon pinaagi man sa iglesia nga mahimaya ang Anak aron mahimaya ang Amahan diha sa ug pinaagi sa Anak—Juan 17:22; Efe. 3:21:
1. Pagpadayag sa diosnong kinabuhi ug diosnong kinaiya ang himaya; labi tang mag-kinabuhi pinaagi sa diosnong kinabuhi ug diosnong kinaiya, labi sab nga diosnong himaya ang maanaa sa iglesia—Juan 17:22; Efe. 3:21.
 2. Mahimaya ang Amahan pinaagi sa organicong pagkausa sa mga magtutuo ni Cristo sa Amahan diha sa Anak sa matahom nga pagkausa nga nagpuy-anay sa usag usa—Juan 17:23:
 - a. Mause ngani ta, mahimaya si Cristo, ug mahimaya sab ang Amahan.
 - b. Ang pagkausa sa Juan 17 aron man mahimaya ang Amahan diha sa Anak; sa pagkatinuod kining pagkausaha mao ang diosnong paghimaya.
 3. Diha sa diosnong paghimaya mahimaya ang Tulo-usang Dios diha sa tawo, ug mahimaya ang tawo diha sa Dios—Bug. 21:10-11.